

## REGLUGERÐ

### um breytingu á reglugerð nr. 849, 1999 um innflutning á sjávarafurðum, með síðari breytingum.

#### 1. gr.

Á eftir 33. gr. reglugerðarinnar kemur nýr kafli svohljóðandi:

*Ákvæði um varnir gegn innflutningi á ólögsmætum sjávarafurðum.*

#### 33. gr. a)

Innflytjandi skal tryggja að öllum sjávarafurðum sem fluttar eru til Íslands og afla allra erlendra skipa sem landað er á Íslandi fylgi veiðivottorð fánaríkis, í samræmi við kröfur Evrópusambandsins, ef fyrirhugað er að flytja aflann áfram inn á markað þess. Í veiðivottorði, sem staðfest er af lögbærum yfirvöldum fánaríkis veiðiskips, skal koma fram að afli skipsins hafi verið veiddur í samræmi við lög og reglur viðkomandi ríkis og í samræmi við alþjóðasamninga.

Innfluttum afurðum og afla skal ávallt haldið aðskildum frá afurðum og afla íslenskra skipa hvort sem er við flutning, geymslu, vinnslu eða útflutning.

#### 33. gr. b)

Þegar innfluttar sjávarafurðir eru unnar á Íslandi skal útflytjandi við endurútflutning þeirra inn á markað Evrópusambandsins gæta þess að þeim fylgi veiðivottorð staðfest af fánaríki sbr. 33. gr. a), eða afrit þess ef einungis er um að ræða hluta aflans sem getið er á veiðivottorðinu. Þá skal vinnsluleyfifishafi gefa út yfirlýsingu, sbr. viðauka G við reglugerð þessa, þar sem fram kemur lýsing á vörinni, og staðfesting þess að viðkomandi afurð sé unninn úr afla samkvæmt meðfylgjandi veiðivottorði.

Fiskistofa staðfestir yfirlýsingu vinnsluleyfifishafa, að höfðu samráði Matvælastofnunar. Til þess að staðreyna að upplýsingar í vottorði skv. viðauka G séu réttar skal Matvælastofnun hafa aðgang að öllum nauðsynlegum upplýsingum hjá vinnsluleyfifishafa.

#### 33. gr. c)

Ef innfluttar sjávarafurðir eru ekki unnar á Íslandi, heldur einungis geymdar í tollvörugeymslu, er nægjanlegt við endurútflutning þeirra inn á markað Evrópusambandsins að þeim fylgi veiðivottorð staðfest af fánaríki, sbr. 33. gr. a) auk skjalfestrar staðfestingar á því að afurðin hafi ekki hlotið neina meðferð á Íslandi aðra en löndun, umskipun eða hverja þá meðferð sem nauðsynleg má teljast til að varðveita vöruna.

#### 2. gr.

Við reglugerðina bætist svohljóðandi Viðauki G:

IV. VIÐAUKI

Yfirlýsing skv. 2. mgr. 14. gr. reglugerðar ráðsins (EB) nr. .../2008 frá 29. september 2008 um að koma á fót kerfi innan bandalagsins til að fyrirbyggja, hindra og uppræta, ólöglegar, óskráðar og eftirlitslausar veiðar.

Ég staðfesti að eftirfarandi unnar fiskafurðir: ... (vörulýsing og númer skv. sameinuðu tollnafnaskránni) voru fengnar úr afla sem fluttur var inn með eftirfarandi aflavottorði/aflavottorðum:

Númer aflavottorðs	Nafn/nöfn og fáni/fánar skips/skipa	Staðfestingardagur/dagar	Lýsing afla	Heildarlöndunarþyngd (kg)	Unninn afli (kg)	Unnin fiskafurð (kg)

Nafn og heimilisfang vinnslustöðvar:

.....  
 .....  
 .....

Nafn og heimilisfang útflytjanda (ef annar en vinnslustöð):

.....  
 .....  
 .....

Samþykkisnúmer vinnslustöðvar:

.....

Númer og dagsetning heilbrigðisvottorðs:

.....

Ábyrgðamaður vinnslustöðvar:	Undirskrift:	Dagsetning:	Staður:
------------------------------	--------------	-------------	---------

Staðfesting lögbærs stjórnvalds:

.....

Embættismaður:	Undirskrift og stimpill:	Dagsetning:	Staður
----------------	--------------------------	-------------	--------

3. gr.

1. mgr. 36. gr. verður svohljóðandi:

Reglugerð þessi er sett með heimild í lögum nr. 55/1998 um meðferð, vinnslu og dreifingu sjávarafurða, með síðari breytingum, 19. gr. laga nr. 151/1996 um fiskveiðar utan lögsögu Íslands, með síðari breytingum og 9. gr. laga 22/1998 um veiðar og vinnslu erlendra skipa í fiskveiðilandhelgi Íslands, með síðari breytingum.

4. gr.

Reglugerð þessi er sett með heimild í 31. laga nr. 55/1998 um meðferð, vinnslu og dreifingu sjávarafurða, með síðari breytingum, 19. gr. laga nr. 151/1996 um fiskveiðar utan lögsögu Íslands, með síðari breytingum og 9. gr. laga 22/1998 um veiðar og vinnslu erlendra skipa í fiskveiðilandhelgi Íslands, með síðari breytingum. Reglugerð þessi öðlast gildi 1. janúar 2010.

*Sjávarútvegs- og landbúnaðarráðuneytinu 22. desember 2009.*

F.h.r.

  
**Steinar Ingi Matthíasson.**

  
*Kristján Freyr Helgason.*